

Oktòb 2011

konferans jeneral

Misyonè yo se yon trezò pou Legliz la

konvèsyon

egzanp

lanmou

travay misyonè

Konferans Jeneral

Misyonè yo se yon trezò pou Legliz la

Pa Èldè Kazuhiko Yamashita

Nan Swasanndis yo

Mwen rekonesan dèské misyonè yo aple pa Senyè a, dèské yo reponn apèl sa a, epi y ap sèvi nan tout mond lan.

Yon jou swa, sa gen kèk ane, yon misyonè ki te fèk aple, ki te rele Èldè Swan ak Senyò konpayon senyò li ki te Japonè, te vin vizite lakay nou. Erezman, mwen te lakay, konsa mwen te kapab envite yo antre. Lè m t ap akeyi yo nan pòt la, je m te tonbe sou manto Èldè Swan te mete a. San reflechi, mwen te di li: “Sa a se vrèman yon bèl manto ki sou ou la a!” Sepandan, se pa t yon manto nèf, e li te menm yon ti jan blaze tou. Mwen te panse ke manto Èldè Swan te mete a sete yon manto ke kèk ansyen misyonè te kite dèyè nan apatman misyonè a.

Èldè Swan te imedyatman reyaji ak pawòl mwen yo, e sete konplètman opoze sa m te panse a. Nan lang japonè ezitan li, li te reponn: “Wi, se yon bon manto. Papa m te mete manto sa a lè li te sèvi kòm yon misyonè nan peyi Japon, sa gen plis pase 20 tan.”

Papa li te sèvi nan Misyon Okayama a. Epi lè pitit gason 1 la t ap pati pou al sèvi yon misyon nan Japon, li te ba li manto sa a. Foto sa a montre manto a ke de jenerasyon Èldè Swan nan Japon te mete.

Mwen te santi m touche lè m te tandé pawòl Èldè Swan yo. E mwen te konprann kounyeya, pouki rezon Èldè Swan te mete manto papa 1 la pandan li t ap fè travay misyonè a. Èldè Swan te anbake nan misyon li avèk eritaj lanmou papa li pou peyi Japon ak pou pèp li a.

Mwen si ke kèk nan nou te petèt fè eksperyans yon bagay menmjan ak sa a. Anpil misyonè k ap sèvi nan peyi Japon te di m ke papa yo, manman yo, granpapa yo oubyen toton yo te sèvi misyon nan peyi Japon.

Mwen ta renmen eksprime lanmou sensè mwen, respè mwen, ak santiman remèsiman mwen pou tout ansyen misyonè ki te sèvi atravè mond lan. Mwen sèten ke moun nou te ede konvèti yo pa blyi nou. “Ala bèl sa bèl sou montay la, pye moun k ap pote bòn nouvèl yo!”¹

Mwen se youn pami konvèti sa yo. Mwen te konvèti nan laj 17 an, pandan m te nan lekòl segondè. Misyonè ki te batize m nan sete Èldè Rupp ki te soti Idaho. Li fèk sot relve kòm Prezidan Pye nan Idaho. Mwen pa t janm wè 1 depi lè m te fin batize a, men mwen te gen opòtinite pou voye ak resevwa mesaj e-mail ba li ak pale avèk li nan telefòn. Mwen pa janm blyi li. Vizaj janti, souriyan li toujou rete grave nan memwa mwen. Li te tèlman kontan lè 1 te aprann ke m te oke.

Lè m ye gen 17 tan, mwen pa t reyèlman gen yon bon konprann sou mesaj misyonè yo t ap anseye m yo. Sepandan, mwen te gen yon santiman espesyal pou misyonè yo e m te vle vin menm jan avèk yo. Epi mwen te santi lanmou pwofon ak sensè yo.

Kite m rakonte nou jou m te batize. Sete 15 Jiyè, epi sete yon jou ki te cho anpil. Yo te batize yon fi jou sa a tou. Se misyonè yo ki te fè fon batismo a, e li pa t twò atiran.

Yo te konfime nou jis apre batèm nou. Toudabò, Èldè Lloyd te konfime sè a. Mwen te chita avèk lòt manm Legliz yo, je fèmen, ap koute an silans. Èldè Lloyd te konfime li, epi apresa li te kòmanse pwononse yon benediksyon sou li. Men, Èldè Lloyd te sispann pale, konsa mwen te louvri je m epi m te gade l avèk atansyon.

Jis jodi a, mwen kapab sonje sèn sa a byen klè. Je Èldè Lloyd te ranpli ak dlo. Epi, pou lapremyè fwa nan lavi mwen, m te santi kisa sa te ye pou yon moun anvlope pa Sentespri a. Epi pa Sentespri a, mwen te resevwa yon konesans sèten ke Èldè Lloyd te renmen nou e Bondye te renmen nou.

Apresa sete tou pa m pou m te konfime. Yon lòt fwa ankò, sete Èldè Lloyd. Li te mete men sou tèt mwen epi li te konfime m kòm manm Legliz la, li te konfere m don Sentespri a, epi li te kòmanse pwononse yon benediksyon. Epi ankò li te sispann pale. Sepandan, fwa sa a, mwen te konprann sa k t ap pase a. Mwen te konnen reyèlman atravè Sentespri a ke misyonè yo te renmen mwen epi Bondye te renmen mwen.

Kounyeya, mwen ta renmen di kèk ti mo pou tout misyonè k ap sèvi kounyeya nan misyon yo atravè mond lan. Konpòtman nou, ak lanmou nou montre pou lòt moun yo se mesaj ki trè enpòtan. Menm lè m p at imedyatman kapte tout doktrin misyonè yo t ap anseye m yo, mwen te santi gwo lanmou yo epi pil zak jantiyès yo te anseye m lesion enpòtan. Mesaj nou an se yon mesaj lanmou, yon mesaj espwa, ak yon mesaj lafwa. Konpòtman nou ak aksyon nou envite Lespri a, e Lespri pèmèt nou konprann bagay ki enpòtan yo. Sa m vle di, sèke, atravè lanmou nou, se an reyalite lanmou Bondye n ap kominike. Nou se yon trezò pou Legliz sa a. Mwen rekonesan anpil anvè nou tout pou sakrifis nou ak devouman nou.

Mwen ta renmen pale avèk nou menm fiti misyonè yo tou. Nan pwòp fanmi pa m, kat nan ptit nou yo te sèvi misyon, epi senkyèm misyonè nou an pral antre nan Sant Fòmasyon Misyonè Provo a nan fen mwa sa a. Ane pwochèn ti dènye a ap planifyè pou sèvi yon misyon tou lè 1 fin gradye nan lekòl segondè.

Konsa, m ap pale avèk ptit gason m yo epi avèk nou tout ki ap prepare pou al sèvi misyon. Li nesesè pou nou pote twa bagay avèk nou nan misyon nou:

1. Yon dezi pou preche Levanjil la. Senyè a vle nou pran swen twoupo Li a, epi al chèche yo.² Moun toupatou nan mond lan ap tann nou. Tanpri ale vit kote yo ye yo. Okenn moun pa travay di pase misyonè yo pou al chèche lòt moun mennen vini. Mwen se youn nan moun yo te sekouri yo.
2. Devlope temwayaj nou. Senyè a mande “kè a ak yon lespri byen dispoze.”³
3. Renmen lòt moun, menmjan ak Eldè Swann, ki pote manto papa 1 la ak lanmou papa li pou Japon ak pèp li a avèk li nan misyon 1 la.

Epi pou nou menm ki pa konn kijan pou nou prepare pou al sèvi yon misyon, tanpri al wè evèk nou. Mwen konnen ke li va ede nou.

Mwen rekonesan ke se Senyè a ki aple misyonè yo, ke yo aksepte apèl sa a, epi y ap sèvi atravè tout mond lan. Kite m di nou tout, chè ansyen misyonè byeneme: “Mwen rekonesan pou tout efò nou yo. Nou se yon trezò pou Legliz sa a. E se pou nou toujou kontinye rete misyonè e aji antanke disip Kris la.”

Mwen temwanye ke nou se ptit Papa nou ki nan syèl la, Li renmen nou, e Li te voye Ptit Gason Byeneme li a, Jezikri, pou ke nou kapab retounen nan prezans li. Mwen di bagay sa yo nan non sakre Jezikri, amèn.

Nòt

1. Ezayi 52:7
2. Ezekyèl 34:11
3. Doktrin ak Alyans 64:34.